

CLANGOR  
BVCCINAE TRACTATVS MI-  
RABILIS, SIMVL ET ATTENTISSIMVS, EX  
quadam vetustissima scriptura  
excerptus.

*De lapide Philosophorum satis fideliter, simul & phy-  
sicaliter omnibus philosophis edisserens.*

**I**n nomine domini Amen. Buccinæ clangor  
de lapide benedicto philosophico, Qui ope-  
rationis & virtutis genere mirabiliter intonat,  
De quo varias philosophi posuerunt sententias  
& scripturas. Vnde de prima essentia philoso-  
phus primus Thales Milesius dicit: Antiquissi-  
mum entium Deus, ingenitum, æternū, Vnde &  
Pythagoras dicit: Dico deū ante omnia fuisse, cū  
eo nihil fuit cum fuit. Et intellige, quod Deus  
cum solus fuisset in principio creauit vnam sub-  
stantiam, quam primam materiam nomina-  
mus. Et ex illa substantia alias quatuor res cre-  
auit, ignem, aerē, aquā & terram. Ex quibus iam  
creatis omnia creauit, tam sublimium quam in-  
feriorum.